

سلسلة الأدب

الكتاب
الرقم
٢٠١٠

الحياة سرى برور

مجدى الجابري
كتاب شعري



الهيئة المصرية العامة للكتاب

الحياة مع برودة



برعاية السيدة

سوزانا مبارك



الجهات المشاركة

جمعية الرعاية المتكاملة المركية

وزارة الثقافة

وزارة الإعلام

وزارة التربية والتعليم

وزارة التنمية المحلية

المجلس القومي للشباب

وزارة التنمية الاقتصادية

المشرف العام

د. محمد صابر عرب

تصميم الغلاف

د. مدحت متولى

الإشراف الفني

ماجدة عبد العليم

على أبو الخير

صبرى عبد الواحد

التصديق

الهيئة المصرية العامة للكتاب

الحياة مسى بروفا

كتاب شعري

مجدي الجابري



الحياة مش بروفة

لوحة الغلاف من أعمال الفنانة : مى الوكيل

الجابرى ، مجدى .

الحياة مش بروفة ؛ كتاب شعري / مجدى
الجابرى . - القاهرة : الهيئة المصرية العامة
للكتاب، ٢٠١٠.

١١٢ ص : ٢٠ سم (مكتبة الأسرة ٢٠١٠ ، سلسلة الألب)
تذمك ٤ - ٤٥٠ - ٤٢١ - ٩٧٧ - ٩٧٨ .

١ - الشعر العربى - تاريخ - العصر الحديث

أ - العنوان

ب - السلسلة

رقم الإيداع بدار الكتب ١٤٤٨٧ / ٢٠١٠

I.S.B.N 978-977-421-450-4

ديوى ٨١١،٩

توطئة

مثل كل الأحلام الكبرى التى بزغت منها مشاريع عملاقة أدت إلى تطور مجتمعاتها، ولهذا أرسى مهرجان القراءة للجميع جنوره الراسخة فى الأرض المصرية منذ عشرين عاماً.. لقد انطلق أهم مشروع ثقافى فى العالم العربى عام ١٩٩٠ تحقيقاً لحلم السيدة الفاضلة سوزان مبارك راعية المهرجان، وصاحبة فكرته والتى دشنته آنذاك بافتتاح عشرات المكتبات فى جميع ربوع الوطن، وأطلقتها فى سماء الواقع برؤية واضحة ومحددة تستند على الإيمان بأن الثقافة هى وسيلة الشعوب لتحقيق التقدم والتنمية بما لها من قدرة على تحويل المعارف المختلفة إلى سلوك متحضر، وإعلاء المثل العليا، وقيم العمل والإنجاز، وإشاعة روح التسامح والحرية والسلام التى دعت إليها جميع الأديان، بهدف أن تُكوّن ثقافة المجتمع بتأصيل عادة القراءة وحب المعرفة، لذا فإن وسيلة المعرفة الخالدة مستظل هى الكتاب الذى يسهم فى إرساء دعائم التنمية، وتحقيق التقدم العلمى المنشود.

لقد اتسعت روافد الحملة القومية للقراءة للجميع طوال الأعوام العشرين الماضية، وأصبحت تشكل فى مجملها دعوة حضارية للبناء الروحى والفكرى والوجدانى للإنسان المصرى نابعة من الإيمان العميق بأن الثقافة هى بكل المقاييس أفضل استثمار لبناء مجتمع المستقبل، وهى الجسر الرئيسى للشباب للحاق بركب الحضارة المعاصرة، بل تكاد تكون هى الوسيلة الوحيدة لنشر قيم العلم والتسامح والديمقراطية والسلام الاجتماعى والتطور الحضارى، وترسيخ قيم المواطنة وقيمة دور المرأة،

وتعزيز قيمة التجدد الثقافى والتفكير النقدى والحوار ومعرفة الآخر والتبادل والتواصل المجتمعى والدولى، وأيضاً إبراز تواصل الإبداع المصرى من خلال نشر الآثار الأدبية لـ «مختلف أجيال المبدعين».

ومنذ العام الرابع لمهرجان القراءة للجميع؛ أصبحت مكتبة الأسرة من أهم روافده، وقدمت طوال ستة عشر عاماً دون توقف ملايين النسخ بأسعار رمزية لإبداعات عظيمة لشباب المبدعين وكبار الكتاب الذين أثروا المشروع فكرياً وثقافياً وعلمياً ودينياً وتراثياً وأدبياً، كما قدمت الموسوعات الكبرى التى تُعتبر أعمدة هذه المكتبة، والتى شكلت مسيرة فكر النهضة فبعثت فى نفوس الشباب من جديد الإحساس بالفخر بما قدمته أمتهم من كنوز إبداعية ومعرفية وفكرية للبشرية، وأقامت جسراً يصل بين ماضيهم وحاضرهم، ويصل بين حاضرهم ومستقبلهم، كما بعثت فيهم روح الانتماء القوى لهويتهم المصرية والعربية، ولما لا وقد أطلت عليهم مكتبة باذخة الثراء تتكئ على مؤلفات حضارة مصرية قديمة ما زالت قادرة على إدهاش العالم حتى هذه اللحظة بما احتوته من تقدم فنى وفكرى وعلمى وفلسفى وأدبى شكّل فجر «ضمير الإنسانية» وحضارة إسلامية أنارت ظلمات أفلاك البشرية لحقب طويلة من الزمان، ووضع أعلامها بعض أعمدة الحضارة المعاصرة فى مجالات الطب والفلك والرياضيات والآداب.

لهذا كله ستواصل مكتبة الأسرة هذا العام نشر رسالتها بالسعى قدماً نحو تطوير أدائها، وتحقيق حلمها الأكبر بتكوين ثقافة المجتمع كله بأيسر السبل، والتأكد من اطلاعه على جميع ما أنتجته عبقرية الأمم ممثلة فى تراثها الأدبى والعلمى والفكرى المستير.

مكتبة الأسرة

٢٠١٠

الهدوء

أبويا فى الشغل

كالعاده

وامى واختى أُو الغسيل من عَ الحبل

وطَبَّقُوهُ

وصَنَّفُوهُ

وسابولى تطبيق المناديل والشرابات

فانتهازت فرصة انشغالهم ف المطبخ

وطاوعت رغبتى :

هدوم امى واختى ناعمه بتزحلق إيدى من عليها.

وكمان ملونة وعليها رسومات هدوم ابويا خشنه

وساده أو مقلّمه بالطول . هدومى زى هدوم امى

واختى. رغم إنى باعمل حمّام وانا واقف، وابويا جاب

لى العيد اللى فات بدلة ظابط. يمكن عشان لسه
صغيراً!

إذا كان كده. يبقى مش عايز اكبر

وكبرت على غفله

واجوزت

وخلفت بنت ورا بنت

وطبعاً لبست زى ابويا

لكنى باظبط نفسى ساعات قاعد ف وسط

الغسيل الموم

وبانتهاز فرصة انفرادى بنفسى

وادس حاجه من هدومهم فى هدومى

شويه

وبعدين ارجعها مكانها.

فيلم في المسابقه الرسميه

طبيعي

إنك تقول لصاحبك ع القهوة:

الحياه مش بروفه.

وطبيعي

إن أبوك يخاف عليك وعلى اخواتك

م الموت

ليشوش مخزونه الهائل من المشاهد اللي

كان نفسه يكون فيها.

ولأ تخش عليه

وما يحسش بيك

وتأكد انه ف آخر مرحله من مراحل المونتاج

فانسحب بشويش.

واخرج..
فَدَهُ بَرَضَهُ أَبوك
ومَهَمَّا اتَدَخَّلَ فِ حَيَاتِكَ
وَوَرَّطَكَ فِ مَوَاقِفَ بَايَخِهِ
فَمَا يَصْحَشُ تَبْصَ عَلَيْهِ وَتَبْتَئِسَ بِخُبَيْثِ
وَهُوَ حَاضِنُ بَكْرَةٍ فِيلِمِهِ وَمَاشِي نَاحِيَةِ الْقَاعِ
الَّتِي هَتْتَعْرِضُ فِيهَا حَصِيلَةُ النَّهَارِ مِنْ الْأَفْلَامِ
الَّتِي جَوَّهُ الْمَسَابِقَةِ الرَّسْمِيَّةِ.

هادوسر علی زرار النشغیل

هاظبط كاميرة جسمى.. بعد ما افتح عدستها
الفتحه المناسبه.

واستدرج البننتين بصوت شخصه الفكه
ف جيوبى.

وبعد ما متأكد ان الصوت شد انتباههم..
وانهم فعلاً وطّو يدورّو ع الفلوس اللى
وقّعتها ع الأرض.

وبعد ما حاجات كثير هتحصل جوابا.
هادوس على زرار التشغيل
واستننى

.....

.....

.....

إيه اللي حصل ده؟!

برضه نقطة العرق الملعونه اللي بتلمع على ظهر

إيدى

ف أوقات مش هيّه

يبقى أكيد هتتهز الكاميرا

وكالعاده

هتختفى ملامح البننتين م الصورة.

وهيطلعوا بعد التحميض

يشبهو لآخواتى البنات

اللى بقالى أكثر من عشرين سنه

بارئ جسمى بعيد عنهم.

الوَاحِدِ

الوَاحِدُ.

خَافَ وَمُرْتَبِكٌ

الوَاحِدُ.

تَعَبَانِ وَهَمْدَانِ وَمَاعِنْدُوشِ رُوحٍ لِلْمَنَاقِرِ.

الوَاحِدُ.

مَامَعَاهُوشِ فُلُوسٍ كَفَايَهُ يَرُوحُ اسْكَنْدَرِيَّةَ.. يَشْرَبُ

شَايَ عِ الْكُرَيْسْتَالِ.. وَيَقْعُدُ شَوَيْتِينَ عَ الْبَحْرِ..

وَيَرْجِعُ بِتَجْرِبِهِ جَنْسِيَّهِ مُجَهَّضَهُ.

الوَاحِدُ.

وَأَقِفْ قَدَّامَ حَالَةِ بُكَاءٍ.. بِالْمَلَابِسِ الدَّاخِلِيَّةِ.. وَجِسْمِهِ

مَبْلُولٍ وَفَاتِرٍ.. وَمَشَاعِرِهِ مَنَعُكِشَهُ.

الوَاحِدُ..

الوَاحِدُ..

الوَاحِدُ

حاجه تزهَّق. وتخلَّى الأتوبيس اللى واقف قُصادى
من غير سَوَّاق ولا كمسارى ومليان رُكاب.. يتحوَّل
بَرَّاد شاي واربع علب سجائر مفتوحين ومكان واسع
وأصحاب بيضحكو بصوت عالى.

بيهيأ نفسه لقيادة الأوركسترا

أصحابي..
بدأوا يقفzوا.. واحد وَّراَ البتاني..
ف بِرِكةُ رُوحى.. ويتحوَّلوا لضفادع.
وكل ضفدع ماسِك آله من آلات الإيقاع;
اللى طَبَله..
واللى بوجز..
واللى نقرززان..
واللى دُهَلَه
وَأدى آخر واحدُ.
لسته مازالت رجليه ع القهوة

وجسمه ابتدا يتسلطح.
وأيديه قُصُرَتْ،
وطلع له لُغْدٌ كبير..
تمهيداً للخطوة الجاية،
وزى ما كان متعود..
ببهيأ نفسه لقيادة الأوركسترا.

ابنہا یغیر ایفّاعہ

ف أول الشارع

مش بالظبط

تقريباً أو يمكن أو جايز أو أى حاجه

تخلينى اصتق أنه كان فيه فعلاً شارع

ورجلين أتقل من دبابه داخله ف حالة عطل.

”كنت باحسبني خفيف لإنتى مبسوط شويته“

يبدا إنتى كنت بالحرّك

لأن قلبى ابتدا يغير إيقاعه

وابتدت نتوتر العضله اللّى تحت وُدنى الشمال

وكأنى هادوس الخطوه الجايه على حاجه بتتحرك..

وهتغوص وتلب تحت رجلى.. وانا مستمتع بسخونه

حاجه زى اللحم البشرى.. وصوت طقطقه

وخروشه.. وكإني الشيء ده بيعافر تحت رجلى
عشان يحسّسنى انه مشروع إنسان..
يمكن احتاجه ف لحظه..
أكون أنا فيها تحت رجلين أتقل من بابه داخله فى
حالة عطل.

وَفَضِّلْتُ مِنْهُ لَوْ مَعَهَا

أُمى وأبوا وأخواتى وناس كثير عرفتهم
متنتورين ع الصفحه قدامى
وف وسط الصفحه
تور هايچ
اتخيلت نفسى ساطور
مُهياً ف أى لحظه يكسر رجل من رُجول التُّور
عشان بهمد
واتخيلت الدم اللى هينزل من مكان الجرح
هيشد انتباههم
ده اللى قدر عليه خيالى
عشان يلم المتنتورين جوايا
ف حته واحده تخصنى.

...

دى مش أنا نيّه

ولا لعب بالخيال

دى الرّسمه اللى كان نفسى ارسمها وانا

ف سنه رابعه ابتدائى

بدل رسمه الجاموسه اللى مزيناها الجزار

يوم العيد.. والعيال ورا منها بيزقوها وهيّه

رايحه المدبح.

الرسمه اللى فضلت متعلقه فى الفصل

وفضلت انا متعلق معاها

لحد دلوقتى

لَمَّا شَفَعْنَاهَا عِ الْفَرُول

اللّٰى انا وهِيَّه اتفقنا
 نجمى بعض م اللّٰى جاى
 نفّذت وعدها معايا
 بس نسيتُ
 خمينى منها
 ومنى
 وعشان كده
 لقيتنى باضحك لما شُفّتها ع الثُّرول
 ف أوضة الولاده
 وعلى دراع الممرضه
 حتّه لحم بتعيط.

الذي يفتنه من جسمي

تكتكة الآله الكاتبه

وملى وتفريغ رثنى بدخان الكلوياترا

وحركة رجلين امى على دواسه مَكْنَه الخياطه

ده اللى لحفته من جسمى النهارده

بعدها اتبعتر ع السلم

وانا مزوَّغ م الشُّغل.

ها حاول أَلَّه على مهلى.

واعمل منهُ حكايه

احكيها لنفسى وانا نايم.

فَرَحِ أَخَوِیَا

جزمته الجديدة دى
 اللى هاشتريها م المحل ده
 عارف انها برياطها الغريب ده
 هتناسبنى دلوقتى تماماً
 وانا بادور جوايا على أى حبة طاقه يكونو
 هريانين منى.. عشان اقدر بيهم اسامح
 اخويا
 اللى رايح أحضر فرجه دلوقتى
 واللى هيبص لى بترقع.. وانا بالبس الجزمة الجديدة
 وباحط الجزمه القديمه مكانها ف الشنطه
 واسيبها ع الباب وانا خارج

.....

.....

.....

.....

فيه أكيد حاجه هتحصل غير السيناريو ده
أو يمكن حصلت.. وانا مش غول بفك رباط الجزمه
الملفوف على رقبتى.

کهنوت

ف ديانہ قدیمہ
كنت كاهن صُغِيرٌ
أعرف بالظبط مكان القلب
ويسكنه حجر... اشق صدر القربان
شق يادوب يسمح لكبير الكهنه يمد
إيده ينزع القلب..
ويسيب لكاهن تحت التدريب مهمة توليع النار.

* *

ف ديانہ جدیدہ
وف نهايات القرن العشرين
أنا برضه كاهن صُغِيرٌ
وكانى اعرف بالظبط مكان القلب..

نازل تشريح ف صدر القربان
وف إيدى بتترعرش السَّكِينَة المسنونه
وكبير الكهنه
واقف
يقفل قبضة إيده ويفتحها.. بغلُ
وصاحبنا اللى مازال تحت التدريب
بيوَلِّع ف النار.. تطفى
يوَلِّعها
تطفى
يوَلِّعها....

ف فَبِضْءِ اِيْدِي
كُرْه حَفِيْفِي

ما تَهْرِيش..

تعالى..

بهجوم مفاجئ على حدود النوم

صُداً وزغله في عينياً

وبعدين!!

تتلخبط الخرايط كده

ثم انت مش مربوط من سُرَّتِكَ..

عشان تدلّل لسانك.. بالشكل ده..

في الحُفْره اللي بينا

على حواف الحفرة
اتنصبت الكراسى والترايبيزات..
ونزلت المشاريب
مافيش زباين غيرك
عمّال تشدّ ع الفاضى
بعد ما اتطفت نار الشيشه.
أنبّهك..
تمد إيدك ف جيبك..
تتطمّن على سلامة موقفك من نظام الحكم..
ف الربع ساعه اللّى جاى.
...
ف الحُفره.. أجيال من الثورات.
ف الحُفره.. أجيال من السُّلطات.
وع القهوة.. للسانك نصيب من التركة..
وسرّتك مفكوكه إجبارى.
فمافيش بطوله زى دى..

تمناها مدفوع مع البقشيش

...

أنا شخصياً

بأرج عبطى بقوة العاده..

ومستنى تفور القهوه ع النصبه..

فيعتذر لى القهوجى..

نيابه عن رئيسى ف العمل..

وزعيمى ف الثوره.

...

لستہ بنخدع بعضنا بالحُب..

مع إننا المفروض نكره بعض وقت اللزوم.

عشان تفضل ما بينا حاجه تستاهل

تعالى ببقة دم واحده على سرتك

دانا مخبيلك ف قبضة إيدى كره حقيقى

وف الحفره لغم موقوت.

من غير ما تَكُسرَ نظرتك في الأرض
بُصُ في عينا.. واتكَلَّم..
من غير لعنمه.. وعروق نافره في الرقبه
...
خَلِّيك قَدْ صداقتنا

غزلية الكنبه

اكتشف فجأه

إن طريقته ف حب الحاجات اللى بيحبها فعلاً..

مرهقه جداً وكئيبه.

فسلّم جسمه

لرغبة الكُتّبه انها تشيله وهو مسترخى عليها..

وتنزل بيه السلّم..

وتسيبه يحل مشاكله مع الناس اللى ضربوا كف

على كف ورفعوا سبابتهم وقعد يهرتلو بكلام فلاّ

ينتبه لوجودهم :

ياولاد الكلب.. ده مش نَعش.. دنا رايح اقول ما اقدرش

اعمل لك حاجه.. غير انى احط إيدى على خدى

وانتي بتحكى لى عن العفريت اللى قعد يطوّل لحد

ما حصلك وانتى واقفه بتذاكرى ف بلكونه سعاد
صاحبتك..

وف نُص حكايتك اسيبك.. واخُش البلكونه.. أولع
سيجاره.. وافكّر فيكى

(إيه بس اللى كان ممكن يحصل.. لو اتكلمتى على
مدى الاربعين سنه أو أكثر اللى سكتيهم؟ هل كان
ممكن أفضل كده متنّح قصادك.. وانتى بتحكى لى
دلقوتى عن حاجات ماعدلهاش معنى عندى؟

وعشان يتخلّص من ثقل بقعة اللون الاحمر اللى
سابتها فُرشة (أسامه الدناصورى) ف رقبته،
هيتخيل سرب الحمام الابيض، اللى كان مسيطر
على مشهد جنازة ابوه.

واقف دلوقتى طابور، أوله نازل يشرب م البُقعه
الحمرا، وآخره فِ قهوة "موسى عطيه" بيفض
خناقه بين شحاته العريان وأسامه شهاب من
ناحيه، وبين حستن رياض ومجدى السعيد م الناحيه
التانيه وبينه وبين إبراهيم عبد الفتاح من الناحيه

التالته..

ولما طارت علب المرى وأزايذ اللئذ الجاز والشباشب
والجهل بالإيقاع وغرابة الصور الشعريه والسرقة
من بعض لمقطع أو حتّه مزيكا.....

غمَز للكنبه.. فطارت، دخلت حلم حبيبته،
فلخبطت لها حسابات الصداقه والحب وتقسيم
العمل اليومي.

شاور لها تطلع جنبه ع الكنبه.. فنفرت من
جسمه اللي ابتدت تفوح منه ريحة لبن متخمّر ف
بقُ جُتّه عُمَرها ربع ساعه

واخذها على صدره.. وبيمسح ال ٩٢ سنه اللي
سالوع الجلابيه.. واللى اضطرّ يزعها عشان يكمل
بقية الطقس

من غُسل وحلاقة دقن وحلاقة الشعر اللي أصر
مايطلعش غير بالجلد وبريحة "سعد باشا" ف
تشريفه رافع شنبه لفوق.. ومريّح إيدّه على
عسكري بالصُدْفه، رافع شنبه زُيه لفوق ومبحلق

فِ الكاميرا.. وسرحان.
وكانه بعد لقط الصورة
هيتروح يلقي مراته الحامل جابت أخيراً واد.. ولا
ماتش..
فيسميه "سعد" .. ويندهله "شوال".
ولا تحس الكنبه بتقله عليها..
هتقفز من قبضة روحه.
وترجع
مجرد كنبه خشب.
لسه يادوبك مسدّد بقية أقساطها.

شنویه

بعد نُص الليل..

على سطح بيت فَا ابو زعبل..

قاعدين ست شباب، عاملين دايرة، حاصرين فيها

باجور وعدّة شاي وسجاير وجهاز تسجيل..

بيسجّل بحذر.. نُكْتهم وترقتهم وقصايدهم

وغُناهم بأصواتهم الوَحْشه، حَتَّ من سيد درويش

والشيخ إمام وفيروز ومرسال خليفه....

وفيه حَدْ غريب..

مش متنبهين لوجوده

حَدْ نحيف جداً.. فِ رِجله الشمال زَكَّه خفيفه،

طول القعده عمال يتحنجل بين الغنا والضحك

وريحة العرق الشَتوى وطرقعة الصوابع.

وبيضحك بصوت مكتوم مِ الشباب اللى بيتحدُّوه
بالشأى والشعر والتدخين والغنا وجهاز التسجيل
لَمَّا (عبد الفتاح شهاب) سمع صوت نُقْرِ عصفورته
على قزاز شباك المترو.

أَتَاخِذُ ودخلُ حُضُنْ حبيبتِه ونام.
بَصُ لَهُ النحيفُ جدًّا.. وضحك.. فبانَ بَقَّةُ اللى
مافيهوش ولو سنَّه.

دار التسجيل بُعَدَلْ أُسْرِع.

نط الأُمرج وسطينا

ومدُّ مخالبه خطف عبد الفتاح

وطار..

وساب مكانه بقعة دَمُ على أسفَلت شارعِ
مدينه غريبه.

مَدِينَا عَيُونًا هناك.. ورا العربيه اللى بتاخذ تار
الشيخ العربى من المدرس المصرى اللى رفض ينجِّح
ابنه البليد ف الامتحان..

لكن سبناه ورجعنا نكمِّل تسجيل القَعْدَه.

ضحك (خالد عبد المنعم) وهُوَ نائم ع الطرف.. تحت
الآحاف المتكعوره ختبه العيال.. وكَمَشْ رجليه
وهُوَ بيحلم بإنه جِه عليه الدور ونائم فعلاً فِ
النُّص.

غمَزْتِه بكوعى

عشان يشاركنا الضحك على النُكته اللى قالها
ابراهيم عبد الفتاح. قام قاعدٌ. ضحك ويأنا وراح
دافسُ راسه فى حجره وسرح ف المُرَه ام سَبَع
رجلين ذهب.. والزَقَه اللى هتعمل له وهُوَ خارج م
الكون.

اشتركنا كلنا فى الزَقَه..

وَزَعْنَا علينا الأدوار وصلَّناهُ.. ورجعنا جنب التسجيل
نحتمى باللى فاضل فينا وبيناً

ضحك الأعرج.. فاتغاضنا، بصَّينا لبعض وبصوت

عالى ومع بعض غنَّينا لحن السُّيَّاس.

(عُمَرَ جُم) اللى ما كانش بيحب شِعْرِى.. كان طَيِّب جداً..

لَمَّا قُلْتُ قصيده.. طَبُطَبُ عَلَى ضَهْرِي وَقَالَ لِي: كَانِي
أَوَّلَ مَرَّةٍ بِاسْمِكَ. ضَحَكْتَ وَبَصَّيْتُ فِي الْأَرْضِ..
فَقَامَ عِشَانُ يُحْضِنِي.. وَقَعَتْ مِنْهُ الشَّنْطَةُ الْخِيْشَ
وَاتَّبَعْتِ الرِّكْتَ وَالْأَقْلَامَ وَالسَّنْدَوِيْتِشَاتِ
وَالْقَصَايِدَ. وَطَيَّتِ أَلَمُ مَعَاهُ..

وَإِذَا بِالشَّخْصِ النَحِيفِ جَدًّا عَمَّالٍ يَتَخَنُ.. يَتَخَنُ
لِحَدِّ مَا بَقِيَ حَيْطَ لَحْمٍ بَيْنِي وَبَيْنَهُ.

بَصَّيْتُ لِابْرَاهِيمَ عَبْدِ الْفَتْاحِ وَعَصَامَ الْعِرَاقِي
(اللى كان أغلب الوقت مشغول بواجبات الضيافة)
وَسَأَلْتُهُمْ:

إِيهَ اللى بيحصل ده؟ حَدِّ فَاهُمْ حَاجَهُ؟

وَإِذَا بِحَيْطِ اللَّحْمِ بِيَتَحَوَّلُ شَعْلَةً نَارًا..

خَطَفْتُ عُمَرَ جُمَ مِنْ وَسْطِينَا..

وَسَابَقْنَا أَحْنَا الثَّلَاثَةَ بِنَبْصٍ لِبَعْضِ بَرْعٍ.. وَإِيدِينَا

مَكْلَبِشُهُ فِي التَّسْجِيلِ الدَّائِرِ يَسْجُلُ أَدَانَ الْفَجْرِ

وأصوات الناس اللى رايحه تصلّى أو رايحه الشُّغل.
كان واضح بين الأصوات صوت الأعرج وهُوّه
بيضحك..

فَسَكَّينَا التسجيل. وَلَّيْنَا اللى فاضل مِنَّا.
وَقَرَّئْنَا..

بعد ما ننزل.. ما جتمعش تانى فِ مكان واحد.

هَيْبُصُ عِ الْجِزْمَه وَيَنَّاكُدُ

بَصُّعَ الْجَزْمَةِ
وَحَطُّ إِيْدِيهِ فِ جِيُوبِهِ
وَلَمَسَ الْخُمْسَةَ جَنْبِهِ

...

مَشَ هَيْسِيْبَ رِفَ أَوْ صَنْدُوقَ أَوْ بَاتِرِيْنَه
مَا يَبْصُشْ فِيْهِمْ
وَهِيْتَأَكْدِمِ الْأَسْعَارَ

...

بِيْحَاوِلْ يَلْمَسْ بَعِيْنِيْهِ
رِيْحَةً أَوْ شَكْلَ أَوْ مَلْمَسَ حَاجِهِ
حَاسِسٌ أَنَّهُ هِيْلَقَاهَا
مَتَعَبِّيْهِ فِ بَرَطْمَانِ

أَوْ مَلْفُوفَهُ فِ سَيْلُوفَانِ
أَوْ مُتَدَلِّدِلَهُ مِ السَّقْفِ.

...

هِيَحَاوِلْ مَا يَهْرِيشُ أَوْ يَسْتَعْجَلْ
وَهِيَرْجِعْ تَانِي لِآخِرِ الْمَرِّ الَّلِيْ مَا كَمَّلُوْشْ
هِيَكْسَلْ

وَهِيَرْجِعْ تَانِي يَقْرِفْنِيْ بِيْمَكْنِ وَيَجُوزْ

...

حَلُوْهُ الْبَيْتِ الَّلِيْ لَابَسَهُ الْجِينِزُ الْاَسْوَدُ دِيْ
لَاْ

مِبْعُجْرَه حَبَّهْ

وَتَسْرِحْه شَعْرَهَا مَخْلِيَّهَا كَانْهَا خَارْجَهْ

مَخْصُوصْ عَشَانْ حَدْ يَبُصْ لَهَا

فَتَكْرُقْهْ

هَتَوَقَّعْ مِنْ اِيْدَهَا الشَّنْطَهْ

هِيُوَطِّيْ يَلَمْ لَهَا الْفُلُوسْ

وَيَسِيْبُهُومْ لَهَا جَنْبِ الشَّنْطَهْ

وَمِشَى

...

هَيْبُصْ عَ الْجَزْمَه

وَيَتَأَكَّد

الْخَمْسَه جَنِيَه مَا زَالَتْ مَوْجُودَه

وَالْبَيْتَ فِيَه شَاى وَسُكَّرْ .

طَبْعاً مَا فَيْشْ سَجَاير

يَبْقَى لَازِم يَرْجِع بِسِيْجَارَتَيْن

...

تَانِي هَيْسْتَعْجَلْ

وَيَسِيْبْ آخِرْ رَفْ فَوْقْ عَ الشَّمَالْ

مَا هُوَ تَقْرِيْباً زَى اللى خْتِيَه

لَا

مَشْ تَقْرِيْباً

لَوْ مَتَأَكَّدْ هِيَكْمَلْ

وَيَبْطَلْ تَضْيِيعْ وَقْتْ وَمَجْهُودْ عَ الْفَاضِي

وَلَوْ مَشْ مَتَأَكَّدْ؟!

متأكد من إيه بالظبط!!
دى خامس مره يلف المينى ماركت ده.. من
ساعة ماظبط نفسه.. ف واحد من سَرَحاتُ
جسمه..

خارج من هنا مبسوط وبيضحك وهو حاضن
حاجه.. برقه مش متعودها ف نفسه..
حاجه

مش فاكر هيه إيه بالظبط
ولا تمنها كام
ولا كان ساعتها.. فيه حد ببص على جزمته لمدة
دقيقتين تقريباً.. وينظره سريعه يخرم جيبه..
عشان يعرف فيه كام بالظبط..

...
هيدقق أكثر ف المشهد
هل هو اللى كان هناك فعلاً..
والآ حد يشبه له؟!
حد حالق دقنه وشعره.. ولا بس

جَزَمَهُ جَدِيدَهُ.. وف جيبه أكيد أكثر من خمسهِ
جنيه

..

أبوه

ده الببّاع اللّى أوّل ما يشوفه يوزن له نُصْ كيلو
الكبدِ المستورده.. ويحطّها له ف الشنطه
السّودّه.. ويفضل يتابعه بعينه لِحدّ ما يدفع فِ
الخازنه.

هيخيب ظنّه.

وعلى سبيل فِكْ الخمسه جنيه مش أكثر

هيشترى منه علبه كبريت وموس حلاقه

(هيرميه ف البيت أسبوع أو أكثر قبل مايستعمله)

وهيرجع له..

بعد ما يدفع فى الخازنه.. يسيب له بقية الجنيه ع

البنك.. ويضحك لهُ.

نَصْرُ الْمِلَادِ

كان فيه إيد بتزقنى ف ضهرى. صرخت، نزل على
وشته. ورأسه اتخبطت ف بلاط الحمام. فمدّيت إيدى
حتى وشيلته من ع الأرض بخلاصه اللى كان
ملفوف على رقبتة وإيديه ورجليه. وندهت على
أخته جيب الدايه. كان النهار لسه بيشقشق.
صحيت الدايه وجات وهي لسه مدروخه. فكّت
الخلاص من عليه وقطعته. ومن دروختها سابيت
حوالى ١/٢ متر من الخلاص برّه. وربطت، ولما
اكتشفت ده، بعّتت جبتها تانى. قطعت الزيادة
وربطت، وقالت لى: خير.. خير.. ده رزقه كثير وعمره
طويل.

كانت امى بتحكي حكاية ميلادى دى لحد من قرايبنا، مش فاكر مين بالظبط، وكنت قاعد بالصُدفه. كان عندى ساعتها حوالى خمس سنين. من ساعتها وانا حاسس بإن حد واقف ورايا وبيزُقنى ف زهرى عشان اخرج. ساعتها باسيب المكان اللى انا فيه واخرج فوراً، أو اقعد قلقان، لحد ما انفرد بنفسى وامسك ورقه وقلم واقعد اكتب أو اشخبط أو ارسوم، ولحد دلوقتى مش عارف الايد دى بتدفعن، عشان اخرج منين؟ واروح فين؟ مش عارف بالظبط، ويمكن يكون كل اللى عملته وكل اللى عرفته كان محاوله للتخلص من الإحساس ده بمحاولة فهم السؤال ده، مصدره إيه؟ ومعناه إيه؟ وازاى اجابو عليه إجابته تَخَلَّصْنِي من أثر الايد دى اللى حاسس انه مطبوع على عضم زهرى من جُوه.

ويمكن تكون حكاية ميلادى دى، حكاية من تأليف امى، لأن امى حَكَّاهُ شعبيه من النوع النادر.

وبالتالى تبقى كل كتاباتى وحياتى ومعارفى
محاولات للتخلص من سطوة "نص لحظة الميلاد"
بعد تفكيكه والتحرر من مجازاته (خبط راسى فى
بلاط الحمام/ صدمة الميلاد) و"الخلاص الملفوف على
جسمى/ الولادة الغربية) (رزق كثير وعمر طويل/
النبوءة). حتى الخطأ المبني على الصدفة (نسيان
1/2 متر من الخلاص فى الحكاية/ كنايه عن طول
العمر وكثر الرزق). هل كانت امى بتنتج فى
حكايتها الشخصيه (ميلاد ابنها) "بطلها" الموجود
ف حكاياتها الشعبيه اللى بتحكيها؟ واللى
هيخلصها من حاجات هيه مش فاهماها. لكن
حسّاها. وفى نفس الوقت هيحقق لها حاجات
بتتمناها وإن كانت مش محدده هيه إيه بالظبط.
زى الشاطر حسن وأبو زيد وعلى الزبيق.. إلخ. هل
معنى ده. ان امى كانت بتتمنى لى دور فى الحياه.
وساهمت فى صنعه بحكيها للحكايه الخاصه
بملاى للناس ولى؟ هل كانت قاصده تحكيها وانا

موجود ساعة ماسمعتها أول مره؟ هل دور المُخَلَّص
الى اختارت هولى. متعلق بيها هيه وبحياتها. يعنى
خلاصها هيه. والآن يتعلق بكل اللى زيها سواء فى
النوع أو فى الحالة الاجتماعية أو الوضع الطبقي؟
أكيد الحاجات داخله فى بعضها والمُخَلَّص ده مش
خلاص فروسى لأن زمن الفروسية انتهى. زمن
مواجهة الفارس للفارس بالسيف. لكن قيم
الفروسية مازالت بالنسبه لها - على الأقل -
موجوده. النجده. الشهامه. الدفاع عن المظلومين
والمضطهدين. والحب العفيف الطاهر الخالى من
الأغراض الحسيه المباشره. كَمَآن البصونه عندها
ليها شكل ثانى. بطوله الخيله والخداع والتنكر
(الشطار والعيارين والصعاليك).

لأن العدو دلوقتى بيتخفى ورا أقنعة القانون
والعسكر والفتاوى والمؤسسات اللى بتسانده ولازم
البطل يلجأ للخداع والمكر عشان ما يتمش القبض
عليه قبل ما يخلص مهمته ويتخلص من عدوه/

عدوّها/ عدوّهم. والشكل ده من البطولة مع
الشكل الأولانى كانوا محتاجين مشروع ثقافى
واجتماعى وسياسى يرشح مشروع فنى. وبدأت
اتبنى دور المُخلّص/ النبى مع التشكيك من واقع
خبراتى الحياتيه - فى وجوده. فى الشعر وفى كل
أشكال المعرفة اللى احتكّيت بيها واللى ساهمت
على قد جهدى فى إنتاج جُمل فيها. كان بيتهم
تحويل كل خبراتى الثقافيه والاجتماعيه اللى
بيحَصِّلها جسدى الرموز وتقنيات ووسائط
لاكتشافى العالم الأفضل اللى يببشّر بيه المشروع
الجارى البحث عنه. عالم خالى من كل القيود
والمعوقات اللى بتشل حركة البشر عن انهم
يحققوا أقصى إمكانيات بشرية موجوده. عالم
خالى من كل عيوب ونقائص العالم. الموجود فعلا
(الظلم - سوء توزيع الثروه - سوء استغلال
السلطه - السجون - القوانين المقيدة للحريات -
العنصريه - إلخ.. إلخ). وطبعاً اكتشفت اشكال

تانيه من البطولة، غير البطولة الشعبيه،
اكتشفت الصوفي، المناضل السياسى، المصلح
الاجتماعى، العالم، الفيلسوف، الشاعر، الكاتب،
الرسام، اصحاب الرغبه فى تغير العالم ده، ودفعه
ناحية عالم تانى افضل، كل واحد حسب تصور
عن المشروع وطرق تحقيقه. بس الغريب فى الموضوع
إن كل المشاريع دى ما بتلاقيلش مكان فيها غير
دور التابع/ المريد/ الصبى/ كاهن مازال تحت
التدريب، ده طبعا إذا كنت من صناعه. وكان لازم
القى مشروع أكون فيه كاهن وواحد من صناعه،
وكان الشعر هو مشروعى. الشعر/ كعالم رمزى
موازى لعالم الواقع، يحتاج من اللى يقرب منه انه
يكون عنده. قدره عاليه مبنيه على معرفه
متخصصه وعميقه تساعد فى فك شفرات
العالم ده وتأويله. لأن العالم الشعرى عالم غامض،
متعدد التأويلات. زى النصوص المقدسه، صالح لكل
زمان ومكان. وزى بطل هيرمان هسه دخلت

(اللعبه)، ولعبت دورى فيها ببراعه وصدق عشان
احقق لامى واللى زيهها حلمها فى الخلاص من
العالم اللى قعدت فيه اربعين سنه من غير ما
تتكلم، ولما جَه الوقت انها تتكلم كانت نسيت
الكلام، ومابقاش عندها غير الثرثره لتضييع الوقت
اللى بقى عبء عليها ولازم حد يشيله معاها، وانا
بدال ما اشيل معاها وأسمع لها، واحكي لها
وحتىكى، دخلت لعبتى، وبقيت كل ما ازورها
أسيبها تتكلم تتكلم وانا حاطط إيدى على خدى،
وفجأه وف وسط كلامها اطلب منها تعملى شأى،
أو تحط لى آكل أو أنزل اجيب سجائر أو حتى اخش
البلاكونه واقفل على الباب وافكر فى كتابة
قصيده جديده تتحول فيها امى رمز لطافات
بشرية مبعتره ومهدره مسيرها فى يوم تتجمع
وتغير وجه العالم وتخل محله عالم كل اللى فيه
بيتكلم وقت ما هو عايز، ويسكت وقت ما يبقاش
عنده حاجه يقولها، وبكده أبقي شاعر ثورى

صاحب مشروع لتحرير الإنسان.

واخول المشروع ده لهاجس طاردنى طول الوقت
واحكم فى كل افكارى وسلوكياتى. حتى
الشخصى منها. بدأت أقمعه أو أأجله عشان
مارستى للحاجات الشخصيه مالهاش معنى إلا
جوه المشروع المنتظر. اللى هو (هناك وبعد زمن ما).
أما اللى (هنا والآن) فلازم يتأجل. لازم. أرفض الدخول
فى كل العلاقات اللى ضد المشروع ده. أو أدخلها
وأنا واعى بإن تغييرها مرهون بإجهاز المشروع ده.
وبكده فضلت أتاخر عن الحياه سنه ورا سنه. لحد
مالاقيت نفسى عايش على الحد الأدنى من
الضروريات الحياتيه اللى بتخلينى يا دوبك على قيد
الحياه. عشان اتفرغ للبحث عن عالم الإنسان
الأجمل. الأرقى. السوبر مان. الإله الأرضى. وبكده
لقيت نفسى بدال ما اتخلص من سبطوة نص
الميلاد. باعيد انتاجه وينفس آلياته تقريباً.
واكتشفت إنى بدال ما ادخل أنا وامى فى حكايه

تخصني. طردتني أنا وامى بره. الحكايات والشعر.
وحلت محلنا كائنات ميتا فيزيقيه. كائنات لغويه.
بدون ملامح. وبدون وجود متعين كائنات باختصار.
مالهاش تاريخ شخصي.

لكن وبرغم ده. مازلت باحس بالإيد دى ورا ضهرى
بتزقنى. عشان اخرج. وساعات باحس إنى باخرج
فعلاً من راسى. صدرى. احشائى واتنى اخرج. اخرج
وأنا حاسس ورايا بكف زى لوح تلج بيد فعنى ف
ضهرى. فاجرى بسرعة على أبعد حته مازالت
سخنه. واتركز فيها. وفى طرف صباع رجلي
الصغير. الرجل الشمال. باتكوم على نفسى واجمع
سخونة ف جسمى واكورها واسد بيها المنفذ اللى
دخلت منه. وابدأ أراقب زحف الإيد دى يمتى وسيل
التلج اللى عمال بيسيل منها واللى بيحفرف
الحتت اللى سيبتها ومشيت. خريطه تتحول فيها
أعضائى اللى اجمدت فعلا لبيوت وشوارع وحوارى
واسواق وقهاوى ومحطات أتوبيس. واما يكتمل

رسم الخريطة باشوف بانوراما كامله لحياتي اللي
عشتها لحد دلوقتى، بانوراما على هيئة مشاهد
متداخله وملتبسه ببعضيا. وباحس من الصعب
أنى أرجع كل حاجة لمكانها اللي حصلت فيه. وأنى
اركب الصوت على الصورة، فاسيب البانوراما
تتمشهد قدامى. واقعد اركز جهدى وطاقتى ف
الحفاظ على شوية السخونه اللي سادد بيهم
المدخل، وفى جريب طرق جديده لتحويل السخونه
دى لمعادل هدم وكوريكات لرفع أنقاض التلج اللي
هيتدريك بعد ما هتتهد التضاريس وتبان الأعضاء
وتختفى الخريطة تدريجيا، ساعتها باحس بجسمى
ككيان مادي. خارج واحده. واحده. من أرض قديمه
لأرض جديده. وياتابعه وهو بيتلمس لنفسه مكان
فيها، فيتحرك بوعى اللحظة اللي بتتكون فيها
خبرات جديده وتحرر خبرات قديمه من النسيان.

مورد جث

سواء كان اسمك سقر أو عزرائيل أو عبد الرحمن،
وسواء كانت هيئتك اللى بتظهر فيها تعلق أو
تمساح أو حمامه بيضا..

مثن.. هتفرق.. طالما اتفقنا وتممنا الصفقه،
وأديتك ابويا وأديتنى عشرين سنه.
وأهم عدو.

وقدرت أَلْمَلُمُه ف نَصُ (عيل بيصطاد الحواديت)
ومن يومها بقى موجود جوايا، بيحضر وقت ما
احتاجه.

ندردش مع بعض.

واستمع -ف كل مره بنتحاور فيها- بوجهة نظر
حد مختلف عنى ومش مضطر يتنازل عن وجهه

نظره. هل ده لأنه ماعدلوش مصالح خاصه عندي؟
يكن!

المهم اننا على مدى عشرين سنه بنتحرر من بعض
فيها، تتمدد ما بينا حياه مشتركه، وعشان كده
الصفقه كانت مريحه بالنسبه لي. وأعتقد انها
برضه مريحه ليك.

انتَ خدت اللي عايزه عشان تستعمله ف بُنا
مدينتك.

زي ما لجحت أنا أخلية واحد من سكان مدينتي.
انتَ محتاج عضمه وشعره ولحمه وشحمه وعروقه
وعضلاته، يوده وملحه وميته وبرازه ومخاطه ولعابه
ودمه وبوله

ترصف بيهم شارع أو تعمل رجلين ترابيزه أو قرعة
بوظه أو حشو مخدة سرير أو.. أو..

وانا محتاج حاجه انتَ ما تفهمهاش، وخذتها، لإنها
مالهاش عازه عندك. لكن من غيرها انا ما اقدرش
اعيش ف مدينه خاليه من البشر اللي يخصوصني

واللى مش هاسمح لأى حد يدخلها إلا بإذنى ووفقاً
لشروطى.

وجيتنى تانى مرّة. وأديتك جدى وأديتنى عشر سنين
ورغم إن المّعاد لستّه فاضل عليه سنتين تقريباً.
مُحِتْ إِنى أَلْمَمَهُ فى نَصْ (غزلية الكنبه) واسكّنه
فى مدينتى جنب ابويا. من غير ما آخذ أى احتياط
لمنع التصادم بينهم. اللى مش هيحصل أصلاً.
لإنهم مش موجودين بالنسبه لبعضيههم.
كل واحد موجود بس بالنسبة لى. ومايعرفش
حاجه عن وجود التانى.

إلا إذا انا احتجت افتح بينهم حوار. احدد موضوعه
واجهد نفسى فى التحكم فى مسأّره. وإلا هتختلط
الأصوات وتترجرج بعنف أركان المدينه ويمكن
تنهد على دماغى. وعشان كده ما بافتحش بينهم
حوار إلا فى حالات نادره وبحذر شديد. وعشان كده
العشر سنين انا مستقّلهم. وجاى انت كمان قبل
مايخلصو تقعد جنبى ع الشط وانتَ واخذ شكل

عيل صغير عمّال يحفّر بكورك ف الرمله ويبص
لى

ويضحك بخبث دوناً عن ناس الشط

إيه اللي حصل؟

انت عجزت واتلخبطت معاك التواريخ؟!

المعاد ده أكيد بتاع حد تانى انتهت مدة عقده؟!

لا، أنا حاسبها كويس، وباحاول اجهّز لك حد..

ماتستعجلش عليّ، وسيبنى اسوى لك الموضوع

على مهلى

طب اعمل لك إيه؟

تبقى إنت الغلطان وأنا اللي ادفع التمن.

ماهوش ممكن اسكن حد مدينتى ولسه ملامحه

ماأحدثتش.

ولسه المكان اللي هيسكن فيه ناقص تجهيز.

يعني انت تاخذ كل اللي عاوزه، وأنا اطلع من المولد

بأشباح بشر بلامح مهزوزه، يهدولى كل اللي

بابنيه طول عمرى

مين؟

أنا؟!

لا.

ما تقدرش

أنا.

عايز تاخذنى. تتعاقد مع حدٍ غيرى
أنا موردٌ جُثْتُ. وفاهم شغلتي كويس وحايبها.
أيوم. فاكّر نظرتك لى بعد ما دفنّا جدّى.
كنت انت ساعتها لابس هيئة التريى.
انا ماخدتكش.

وريتك جدى قبل ما نكتب العقد.

وقلت لك كل المعلومات اللى انت عاوز تعرفها. عن
عمره. والأعمال اللى قام بيها. وآخر مرّه نام فيها
مع مرّه. وآخر وجبه كُلهَا وآخر مرّه مشى فيها
لوحده من غير ماحد يسنده.

وقلت لك ساعتها انه كان قبل كده ولدة خمس
سنين تقريباً بيستعمل عكاز. بس بينزل م الدور

الخامس وحده يجيب الفطار وحاجه تنفع أكل بقية
اليوم

ويطلع.

صحيح كان ساعات بيرَّيح حَبَّه ف الدور الثالث
أو عند اختى ف الدور الرابع.

بس بيواصل طلوع السلم

ويقعد ياكل ويقيد البوتاجاز يعمل شأى. ويروح
يقعدع الكنبه يرغى مع النسوان اللى اجُوازهُم
راحوا الشغل.

ويتخانىق مع عيالههم وبعدين تبهدل ملامحه
وترتخى شفته التحتانيه ويغمض عينيه وتتدلدل
راسه على صدره ويروح ف النوم.

أمال إيه بس اللى خلَّاك تبص لى وانتَ خارج من
القبر وتضحك وتشاور على؟

انا ماخدتش حاجه من الحاجات اللى متفق معاك
انى أوردْهالك.

سَلَّمْتِكَ جُئْتَهُ كَامِلُهُ وَخَدْتَ الَّلَى يَخُصَّنَى.

أَيُّوهُ.

جَرَيْتَ لِمَا شَاوَرْتُ عَلَى. إِدْبَيْتَ ضَهْرَى لِفَتْحَةِ الْقَبْرِ
وَخَدْتَ دَيْلَى فِى سِنَانَى وَجَرَيْتَ. لَقَيْتَ سَلْمَ حَجَرِ
طَلَعْتَ عَلَيْهِ. وَكَنْتُ كُلَّ مَا أَطْلَعُ دَرَجَهُ أَلَا قَى سَكَانِ
الْقَبْرِ يَشِيلُوهَا

مِنْ تَحْتِ رِجْلِى وَيَنَاولُوهَا لِبَعْضِيهِمْ.

أَطْلَعُ دَرَجَهُ. تَخْتَفَى. أَطْلَعُ. تَخْتَفَى.

وَلَمَّا لَقَيْتَ السَّلْمَ مَشَّ عَايِزٌ يَخْلُصُ.

وَالدَّرَجَاتُ بِتَخْتَفَى

بَصَّيْتُ وَرَايَا لَقَيْتُ أَقْرَبَ وَاحِدٍ مِ الْقَبْرِ بَيْنَاوَلِكِ

الْحَجَرِ. وَوَاحِدٌ تَانِى بَيْنَاوَلِكِ مُوْنَهُ مِنْ مَعْجَنَهُ مَا

اعْرِفْشَ اتَعَمَلْتُ إِمْتَى؟

وَأَنْتَ عَمَّالٌ تَسْوَى بِالسَّطْرَيْنِ الْمُونَهُ وَحُطَّ الْحَجَرِ

فَوْقَ الْحَجَرِ بَعْنَايَهُ وَدَقَّه.

وَلَمَّا دَقَّقْتُ أَكْثَرَ لَقَيْتُ حَدَّ بَيْكَلِبِشَ فِ الدَّرَجَةِ الَّلَى

لَسَّهَ وَاقِفٌ عَلَيْهَا.

فَشَيْبَتٌ مِ الرِّعْبِ

وخطفت ثلاث درجات فى قفزه واحده.

وبكده بقى بينى وبينهم مسافه حافظت عليها.
وحسبت إيقاع طلوعى وإيقاع عملهم بحيث إنى
ما اسمحلهمش يقصّروا المسافه اللى كسبتها
بقفزة الرُّعب اللى مازلت بالحقّين الفرصه عشان
اقفز قفزه أكبر منها.

ومن يومها وانا شاكك إن فيه حد عمل معاك عقد
كنت انا فيه موضوع الصفقه.

وعشان كده شاورت لعمالك الخايبين علىّ
يطاردونى.

لكنى قَلْتُ منهم. وآدينى قاعد ع الشط فى
جمصه باستمتع بالعري البشرى.

بالكسل والشمس والبحر وريحه اليود.

وباتألم م الملح فى جلدى ومستفز من وجودك جنبى
قبل مَعَادك.

بُص.

عشان أكّد لك إني مازالت ملامحي مهزوزه عند

كل الناس اللي يعرفوني.

وعشان كده ماحدش هيرضى يغامر بإني أكون

موضوع صفقه يعقدها معاك.

أنا هاعلن عن نفسي. ونشوف مين هيتقدّم ويشيل.

بس لو سمحت. ودّي وشك الناحيه الثانيه أو بُص

ف أى حتّه غير عينيّاً.

عشان ماتلخبطليش سيناريو الإعلان

أنا

١- قسطين لبن رضعتهم من امي مع ثلاث تشوّلّه

من الحنان واللهفه على أول ولد لجأ من مذبحة

الخصبه اللي حصدت قبله تمن ولاد وثلاث

بنات.

٢- حلم ابويا الباش شاويش على الجابري انى اطلع
 ظابط شرطه. كل الناس ف الرايحه وف الجايه
 تضرب له سلام. انا اللي كرهت الضباط من
 يوم ما شَبَطْتُ فيه وَخَدْنِي معاه الشغل
 ولقيته بيضرب سلام لِحْتَه عَيْل تافه بلبانه.
 بيرفض حتى يُرد له السلام وَيُبْص له من فوق
 لتحت ويقولله : "مين ده يا شويش يا رَمَه اللي
 معاك. ابنك؟ لَقَّحْه جَوَّه واطلع مع الدَّوْرِيَه
 اللي برَّه".

ونظرة ابويا الخيرانه بينه وبينى واللى هَزَتْ إيده
 وهو بيضرب له سلام ويقولله تمام يا افندم
 والساعتين اللي قعدتهم جوه يشقطنوني
 الضباط لبعض. ده يضربنى بالشَّلُوت. وده على
 قفايا. وده يهددنى إن ما بَطَّلْتُش عياط
 هيرمينى ف السجن. انا ابن على الجابري اللي
 بيحل كل مشاكل عيلة الجابري على حساب
 وقته وجهده وفلوسه.

أبويَا أَللى كَانَ أَحْيَاناً بَيْتَعَشَى زَاتُونَه وَيَبُوس
إِيْدَه وَشْ وَضَهْر وَيَنَام وَالصَّبْح يَصَلَّى الْفَجْر
وَيَدْعَى فِى صَلَاتَه أَنَه يَشُوفْنِى ظَابِطْ شَرْطَه.

٣- عَشْر. تَلَا ف كُوبَايَة شَاى. وَخَمْسَتَا شَر أَلْف
سِيْجَارَه وَنَصْ مَلِيُون وَرَقَه وَخُمُسْمِيَة قَلَم
وَمَلِيُون وَنَصْ سَعْرُ حَرَارَى. وَعَشْرِيْن كَرْتُونَة
كُتِب. شَعْر وَقْصَه وَرَوَايَه وَتَارِيْخ وَأَدْيَان
وَفُولْكَلُور.. إلخ.

٤- خَمْسَه وَعَشْرِيْن أَلْف مَتْر تَمْرَدَ الْاَحْبَالِ أَللى
بَتْرِيطْنِى بِحَاجَاتِ وَنَاسْ وَأَمَاكِن مَالِيْش دَخَلَ فِ
وَجُودَهَا. وَلَا حَدْشْ خَد رَأْيِى فِى حَاجَه سَاعَة مَا
قَطَعُو خَلَاصِى مِنْ سُرَة أُمى وَرِيْطُوا مَكَانَه فِ
سُرْتِى حِبَالَهْم وَأَللى مَا زَالَتْ بَاشَد فِهَا عَشَان
تَنْقَطَع وَمَا زَالِ أَللى عَمَّال يَتَمَط وَيَطْوُل أَكْثَر م
أَللى نَجَحَتْ فِ قَطْعَه. وَحِبَال كُنْتِيْر بِأَحَاوَل

امدّها من سُرّتى للعالم. وعند أول شدّه
بیتقطع أغلبها.

٥- إيد دائماً حاسس بانها مطبوعه على عمودى
الفقرى بتدفعنى عشان اسيب المكان اللى انا
فيه وأروح مكان تانى / هوه إيه؟ وليه؟
مااعرفش. وبأحرك أنا ف قلب الحركة باحاول
اعرف إيه. المكان اللى أنا رايحه. وليه رايح له.
ولما أقرب أفهم. احس بالإيد بتدفعنى تانى.
فأحرك....

٦- دوده أخلاقيه عندها قدره عاليه على إفراز
الأفكار بشكل طبيعى مع العرق والبول
والدموع. وعندها استعداد تقدمها للى
يحتاجها بدون مقابل. ويتقعد طول اليوم تاكل
افرازاتها اللى مانفعتش حد. وجهاز غددها
لإفرازات جديده.

إيه رأيك؟

يعنى ما فيش زباين!!

باين ماحدش متحمس!!

عتشان كده ماقدامكش مَفَرُ غير الاعتذار والرحيل

فوراً.

طُظُّ..

أعلى ما ف خيلك اركبُه.

برضه مش هاتنازل عن حقى.

المحتويات

7	الهدوم
11	فيلم فى المسابقة الرسمية
15	هادوس على زرار التشغيل
19	الواحد
23	بهبأ نفسه لقيادة الأوركسترا
27	ابتدا يغير إيقاعه
31	وفضلت متعلق معاه
35	لما شفتها ع التروى
39	الى لحفته من جسمى
43	فرح اخويا
47	كهنوت
51	فى قبضة إيدى كره حقيقى
57	غزلية الكنبه
63	شتوية
79	هيبص ع الجزمة ويتأكد
79	نص الميلاد
91	مورّد جثث

للشاعر

- ١- أغسطس - شعر - طبعة خاصة ١٩٩٠
- ٢- بالظبط وكأنه حصل - شعر - طبعة خاصة ١٩٩٤.
- ٣- عيل بيصطاد الحواديت - شعر - الهيئة العامة لقصور الثقافة ١٩٩٥.

منافذ بيع مكتبة الأسرة الهيئة المصرية العامة للكتاب

مكتبة ساقية

عبد المنعم الصاوى

الزمالك - نهاية ش ٢٦ يوليو

من أبو الفدا - القاهرة

مكتبة المعرض الدائم

١١٩٤ كورنيش النيل - رملة بولاق

مبنى الهيئة المصرية العامة للكتاب

القاهرة - ت : ٢٥٧٧٥٣٦٧

مكتبة المبتليان

١٣ ش المبتليان - السيدة زينب

امام دار الهلال - القاهرة

مكتبة مركز الكتاب الدولى

٣٠ ش ٢٦ يوليو - القاهرة

ت : ٢٥٧٨٧٥٤٨

مكتبة ١٥ مايو

مكتبة ١٥ مايو - حلوان خلف مبنى الجهاز

ت : ٢٥٥٠٦٨٨٨

مكتبة ٢٦ يوليو

١٩ ش ٢٦ يوليو - القاهرة

ت : ٢٥٧٨٨٤٣١

مكتبة الجيزة

١ ش مراد - ميدان الجيزة - الجيزة

ت : ٣٥٧٢١٣١١

مكتبة شريف

٣٦ ش شريف - القاهرة

ت : ٢٣٣٩٦١٢٠

مكتبة جامعة القاهرة

بجوار كلية الإعلام - بالبحر الجامعى -

الجيزة

مكتبة عربى

٥ ميدان عربى - التوفيقية - القاهرة

ت : ٢٥٧٤٠٠٧٥

مكتبة رادوييس

ش الهرم - محطة المساحة - الجيزة

مبنى سينما رادوييس

مكتبة الحسين

مدخل ٢ الباب الأخضر - الحسين - القاهرة

ت : ٢٥٩١٣٤٤٧

مكتبة أكاديمية الفنون

ش جمال الدين الأفغانى من شارع
محطة المساحة - الهرم

مبنى أكاديمية الفنون - الجيزة
ت : ٣٥٨٥٠٢٩١

مكتبة الإسكندرية

٤٩ ش سعد زغلول - الإسكندرية
ت : ٠٣/٤٨٦٢٩٢٥

مكتبة الإسماعيلية

التمليك - المرحلة الخامسة - عمارة ٦
مدخل (١) - الإسماعيلية
ت : ٠٦٤/٣٢١٤٠٧٨

مكتبة جامعة قناة السويس

مبنى الملحق الإدارى - بكلية الزراعة -
الجامعة الجديدة - الإسماعيلية
ت : ٠٦٤/٣٣٨٢٠٧٨

مكتبة بورفؤاد

بجوار مدخل الجامعة
ناصية ش ١١، ١٤ - بورسعيد

مكتبة أسوان

السوق السياحى - أسوان
ت : ٠٩٧/٣٣٠٢٩٣٠

مكتبة أسيوط

٦٠ ش الجمهورية - أسيوط
ت : ٠٨٨/٢٣٢٢٠٣٢

مكتبة المنيا

١٦ ش بن خصيب - المنيا
ت : ٠٨٦/٢٣١٤٤٥٤

مكتبة المنيا (فرع الجامعة)

مبنى كلية الآداب - جامعة المنيا - المنيا

مكتبة طنطا

ميدان الساعة - عمارة سينما أمير - طنطا
ت : ٠٤٠/٢٣٣٢٥٩٤

مكتبة الرحلة الكبرى

ميدان محطة السكة الحديد
عمارة الضرائب سابقاً

مكتبة دمنهور

ش عبدالسلام الشاذلى - دمنهور

مكتبة المتصورة

٥ ش الثورة - المتصورة
ت : ٠٥٠/٢٢٤٦٧١٩

مكتبة منوف

مبنى كلية الهندسة الإلكترونية
جامعة منوف

مكتبات ووكلاء

البيع بالدول العربية

٢ - شركة كنوز المعرفة للمطبوعات

والأدوات الكتابية - جدة - الشرفية -

شارع الستين - ص. ب: ٣٠٧٤٦ جدة :

٢١٤٨٧ - ت : المكتب : ٦٥٧٠٧٢٢ -

٦٥١٠٤٢١ - ٦٥١٤٢٢٢ - ٦٥٧٠٦٢٨ .

٣ - مكتبة الرشد للنشر والتوزيع -

الرياض - المملكة العربية السعودية -

ص. ب: ١٧٥٢٢ الرياض : ١١٤٩٤ - ت:

٤٥٩٣٤٥١ .

٤ - مؤسسة عبد الرحمن

السليري الخيرية - الجوف -

المملكة العربية السعودية - دار الجوف

للعلوم ص. ب: ٤٥٨ الجوف - هاتف:

٠٠٩٦٦٤٦٢٤٧٨٠ فاكس: ٠٠٩٦٦٤٦٢٤٣٩٦٠

الأردن - عمان

١ - دار الشروق للنشر والتوزيع

ت: ٤٦١٨١٩٠ - ٤٦١٨١٩١

فاكس: ٠٠٩٦٦٤٦١٠٠٦٥

٢ - دار اليازوري العلمية للنشر والتوزيع

عمان - وسط البلد - شارع الملك حسين

ت: ٩٦٣٦٤٦٣٦٦٢٦ +

تلفاكس: ٩٦٣٦٤٦١٤١٨٥ +

ص. ب: ٥٢٠٦٤٦ - عمان: ١١١٥٢ الأردن.

لبنان

١ - مكتبة الهيئة المصرية العامة للكتاب

شارع صيغايا المصيطبة - بناية الدوحة -

بيروت - ت: ٩٦١/١/٧٠٢١٣٣

ص. ب: ٩١١٣ - ١١ بيروت - لبنان

٢ - مكتبة الهيئة المصرية العامة للكتاب

بيروت - الفرع الجديد - شارع

المسيداني - الحمراء - رأس بيروت -

بناية سنتر مارينا

ص. ب: ١١٣/٥٧٥٢

فاكس: ٠٠٩٦١/١/٦٥٩١٥٠

سوريا

دار المدي للثقافة والنشر والتوزيع -

سوريا - دمشق - شارع كرجيه حناد -

المتفرع من شارع ٢٩ أيار - ص. ب: ٧٣٦٦

- الجمهورية العربية السورية

تونس

المكتبة الحديثة. ٤ شارع الطاهر صفر -

٤٠٠٠ سوسة - الجمهورية التونسية .

المملكة العربية السعودية

١ - مؤسسة العبيكان - الرياض

(ص. ب: ٦٢٨٠٧) رمز ١١٥٩٥ - تقاطع

طريق الملك فهد مع طريق العروبة -

هاتف: ٤٦٥٤٤٢٤ - ٤٦٦٠٠١٨ .

مطابع الهيئة المصرية العامة للكتاب

ص.ب : ٢٣٥ الرقم البريدى : ١١٧٩٤ ومسيم

www.maktabetelosra.org.eg

E - mail : info@egyptianbook.org.eg



تذكرت بمناسبة مرور عشرين عاماً على بدء مشروع القراءة للجميع عام ١٩٩٠. حكاية تقول إن الفيلسوف اليوناني أرسطو كان معلماً للإسكندر المقدوني، وإنه استطاع أن يشحن وجدان الإسكندر، ويشحذ رغبته ولعاً بكل أشكال التعليم والقراءة، حتى إن الإسكندر لم يكن يظهر إلا في يده كتاب، لكن حدث خلال إحدى رحلاته إلى آسيا أن عانى فلة الكلب، فإذ به يأمر أحد قادة جيوشه أن يحضر له بعض ما يقرأه، وكان هذه الحكاية قد جاء تذكرها بمثابة حساب للنفس عما أنجزناه حتى لا يُعاني أحد قلة الكلب وجوداً وثنماً، فنجلت مكتبة الأسرة، التي بدأت عام ١٩٩٤، هي المصاحبة الواقعية التي تجاوزنا بها تلك المشكلة، تحقيقاً للإرادة العامة للكتاب، وذلك بالربط بين السلع إصداراتها المتنوعة في شتى مجالات المعرفة، والدعم المادي الذي تتمتع به أسعار تلك الإصدارات، فجعلناها في متناول الجميع. وقد تلازم نشاط مكتبة الأسرة لسنوات عددة مع فعاليات مشروع القراءة للجميع، لكننا أخيراً أكدنا ضرورة استمرار إصدارات مكتبة الأسرة طول العام، انطلاقاً من حكمة قديمة ما زالت تعاصرنا، وهي أن من يستطيع القراءة، يستطيع رؤية ضعف مليراه الآخرون.

سوزان مبارك

